



ЧИНГЭЛТЭЙ ДҮҮРГИЙН
ИРГЭДИЙН ТӨЛӨӨЛӨГЧИЙН ХУРЛЫН
ТЭРГҮҮЛЭГЧИЙН ТОГТООЛ

2013 оны 03 сарын 06 өдөр

Дугаар 30

Улаанбаатар хот

Журам батлах тухай

Монгол Улсын Засаг захиргаа нутаг дэвсгэрийн нэгж, түүний удирдлагын тухай хуулийн 20 дугаар зүйлийн 20.1.3 дахь заалт, Гэмт хэргээс урьдчилан сэргийлэх тухай хуулийн 17, 18 дугаар зүйлийг тус тус үндэслэн дүүргийн Иргэдийн Төлөөлөгчдийн Хурлын Тэргүүлэгчдээс ТОГТООХ нь:

1. Дүүргийн нутаг дэвсгэрт гэмт хэрэг, зөрчлөөс урьдчилан сэргийлэх, иргэдийнхээ амар тайван амьдрах нөхцөл боломжийг нэмэгдүүлэх, иргэдэд хууль тогтоомж сурталчлах, мэдээлэл хүргэх зорилгоор хороодод ажиллах олон нийтийн байцаагчийн ажиллах журмыг нэгдүгээр хавсралтаар, олон нийтийн байцаагчийг сонгон шалгаруулах журмыг хоёрдугаар хавсралтаар, хувцасны загварыг гуравдугаар хавсралтаар тус тус баталсугай.

2. Олон нийтийн байцаагчийг сонгон шалгаруулах журмын дагуу сонгон шалгаруулалтын ажлыг зохион байгуулж, 2013 оны 04 дүгээр сард багтаан томилон ажиллуулахыг дүүргийн Засаг дарга /Д.Ганболд/-д зөвлөсүгэй.

3. Журмын хэрэгжилтийг хангаж ажиллахыг дүүргийн Засаг даргын Тамгын газрын дарга /Д.Мөнхбат/, Цагдаагийн 1 дүгээр хэлтсийн дарга /Г.Эрхэмбаяр/, 2 дугаар хэлтсийн дарга /Г.Эрдэнэбаатар/, хороодын Гэмт хэргээс урьдчилан сэргийлэх ажлыг зохицуулах салбар зөвлөлийн дарга нарт тус тус үүрэг болгосугай.

4. Олон нийтийн байцаагчийн ажлын үр дүнг жил улирлаар тооцон дүүргийн Иргэдийн Төлөөлөгчдийн Хурлын Тэргүүлэгчдийн хуралдаанд танилцуулж байхыг Гэмт хэргээс урьдчилан сэргийлэх ажлыг зохицуулах зөвлөлийн нарийн бичгийн даргад даалгасугай.

5. Энэ тогтоол гарсантай холбогдуулан дүүргийн Иргэдийн Төлөөлөгчдийн Хурлын Тэргүүлэгчдийн 2012 оны 14 дүгээр тогтоолыг хүчингүй болсонд тооцсугай.

ХУРЛЫН ДАРГА



Д.БАТ-ЭРДЭНЭ

2150010953

**Хороодод ажиллах олон нийтийн
байцаагчийн ажиллах журам**

Нэг. Нийтлэг үндэслэл

1.1. Энэ журмаар хороодод ажиллах нийгмийн хэв журам хамгаалах олон нийтийн байцаагч /цаашид олон нийтийн байцаагч гэх/-ийн ажлын зорилго, үйл ажиллагааны үндсэн чиглэл, эрх, үүргийг тодорхойлж, бусад байгууллага, албан тушаалтантай харьцах, хамтарч ажиллах хэлбэрийг тогтооно.

1.2. Гэмт хэргээс урьдчилан сэргийлэх тухай хуульд заасны дагуу дүүргийн Иргэдийн Төлөөлөгчдийн Хурал харъяа нутаг дэвсгэр /хороо/-нд ажиллах олон нийтийн байцаагчийн тоог тогтоож, дүүргийн Засаг дарга тэдгээрийг томилон, гэрээ байгуулж ажиллуулна.

1.3. Олон нийтийн байцаагч нь үйл ажиллагаандаа "Гэмт хэргээс урьдчилан сэргийлэх тухай" хууль, "Захиргааны хариуцлагын тухай" хууль, бусад хууль тогтоомж болон энэхүү журмыг удирдлага болгон ажиллана.

1.4. Олон нийтийн байцаагч нь хорооны иргэдийн Нийтийн Хурлын даргын удирдлагын дор үйл ажиллагаагаа явуулж, хорооны иргэдийн Нийтийн Хурлын дарга, Засаг даргад тайлагнана.

1.5. Олон нийтийн байцаагч жил, улирлаар ажлаа төлөвлөн гаргаж, Гэмт хэргээс урьдчилан сэргийлэх ажлыг зохицуулах салбар зөвлөлийн даргаар батлуулж ажиллана.

**Хоёр. Олон нийтийн байцаагчийн үйл ажиллагааны зорилго,
үндсэн чиг үүрэг**

2.1. Тухайн хорооны нутаг дэвсгэрт гэмт хэргээс урьдчилан сэргийлэх, нийгмийн хэв журам хамгаалах ажилд иргэд, олон нийт, аж ахуйн нэгж, байгууллагын оролцоог хангах, энэ чиглэлээр төр, захиргаа, хууль хяналтын байгууллагаас хуулиар хүлээсэн чиг үүргийн хүрээнд хийж хэрэгжүүлж байгаа ажилд дэмжлэг үзүүлж хамтарч ажиллах замаар иргэдийн аюулгүй, амар тайван амьдрах нөхцлийг бүрдүүлэхэд олон нийтийн байцаагчийн ажлын зорилго оршино.

2.2. Олон нийтийн байцаагч нь дараах үндсэн чиг үүргийг хэрэгжүүлж ажиллана:

2.2.1. Хууль сурталчилах, нийтээр дагаж мөрдөхөөр эрх бүхий байгууллагуудаас гаргасан дүрэм, журмыг тайлбарлан таниулах, иргэдийн дунд сургалт, сурталчилгааны ажил зохион байгуулах;

2.2.2. Хорооны нутаг дэвсгэрт үйл ажиллагаа явуулж байгаа иргэн, аж ахуйн нэгж, байгууллага, үйлчилгээний газруудын байршил, цагийн хуваарь, захирал, эрхлэгч /эзэн/-ийн нэр хаяг, утасны дугаар зэрэг мэдээлэл бүхий төрөлжсөн бүртгэл судалгаа хөтлөх, дээрх газруудын үйл ажиллагаанд хяналт тавих, зөрчил дутагдлыг арилгах талаар шаардлага мэдэгдэл хүргүүлэх, тавьсан шаардлагыг биелүүлээгүй тохиолдолд захиргаа, хууль хяналтын байгууллагад мэдэгдэх;

2.2.3. Харьяа нутаг дэвсгэртээ олон нийт, иргэдийн оролцоотой эргүүлийг зохион байгуулж, удирдлагаар хангаж ажиллах, гудамж, талбайд гарсан хэв журмын зөрчлийг арилгах, таслан зогсоох арга хэмжээ авах;

2.2.4. Хорооны хэмжээнд гэмт хэрэг, зөрчилд холбогдож болзошгүй, гэр бүлийн хүчирхийлэлд өртөх магадлалтай, гэмт хэргийн хохирогч болж болзошгүй иргэдийн бүртгэл судалгаа хөтлөх, түүнд нөлөөллийн үнэлэлт дүгнэлт хийж, мэргэжлийн байгууллагуудтай хамтарч ажиллах;

2.2.5. Хорооны нутаг дэвсгэрт үйлдэгдэж байгаа гэмт хэргийн шалтгаан, нөхцлийг судалж, дүгнэлт хийх, цаг хугацаа, орон зай, давтамж, оролцогч, хохирогчийн талаар дэлгэрэнгүй бүртгэл, судалгаа хөтлөх, энэ талаарх танилцуулгыг дүүргийн Гэмт хэргээс урьдчилан сэргийлэх ажлыг зохицуулах зөвлөлд хүргүүлж байх;

2.2.6. Нийгмийн хэв журам зөрчиж, гэмт хэрэг үйлдэж болзошгүй нөхцөл байдал үүссэн үед цагдаагийн байгууллагад нэн даруй мэдэгдэх;

2.2.7. Нийгмийн дэг журам хамгаалах, гэмт хэргээс урьдчилан сэргийлэхэд чиглэгдсэн сэрэмжлүүлэг, анхааруулгыг гудамж, талбай, олон нийтийн газруудад байршуулах, гудамж бүрийн үзүүрийн хашааны буланд гэмт хэрэг, нийгмийн дэг журмын зөрчлийн талаархи мэдээллийг нэн яаралтай хүргэх утасны дугаар бүхий самбар байрлуулах;

2.2.8. Нийтийн эзэмшлийн гудамж, талбайн ариун цэврийг сахиулах, хог, цас мөсний цэвэрлэгээнд иргэдийн оролцоотой хяналт тавьж, энэ хүрээнд нийслэл, дүүргээс тогтоосон дэг журмыг сахиулах талаар иргэн, аж ахуйн нэгж, байгууллагад шаардлага тавих, зөрчлийг арилгуулах арга хэмжээ авах;

2.2.9. Замын хөдөлгөөний хууль тогтоомжийг сурталчлах, хорооныхоо хэмжээнд осол хэрэг гарч болзошгүй газруудын судалгааг гаргах, холбогдох байгууллагад мэдээлэх;

Гурав. Олон нийтийн байцаагчийн эрх

3.1. Олон нийтийн байцаагч нь дараах эрх эдэлнэ:

3.1.1. Хорооныхоо нутаг дэвсгэрийн аж ахуйн нэгж, байгууллагын дотоод журамтай танилцах, батлагдсан удирдамжийн дагуу хяналт, шалгалт хийх;

3.1.2. Хууль тогтоомж, нийгмийн дэг журам зөрчсөн иргэний бичиг баримтыг шалгах;

3.1.3. Нийгмийн дэг журам сахиулах, гэмт хэргээс урьдчилан сэргийлэх ажлын хүрээнд хууль, тогтоомж зөрчигчдөд шаардлага тавих, мэдэгдэл хүргүүлэх, зөрчил дутагдлыг арилгасан тухай байгууллага, аж ахуйн нэгжийн удирдлагаас тайлан, танилцуулга гаргуулж авах;

3.1.4. Нийгмийн дэг журам, хууль тогтоомжийг удаа дараа зөрчиж байгаа иргэн, аж ахуйн нэгж, байгууллагад арга хэмжээ авахуулах, шийтгэл ногдуулах саналыг захиргаа, хууль, мэргэжлийн хяналтын байгууллагуудад албан ёсоор хүргүүлэх;

3.1.5. Хууль тогтоомжийн хүрээнд торгууль ногдуулах;

Дөрөв. Олон нийтийн байцаагчийн үйл ажиллагаанд хориглох зүйл

4.1. Олон нийтийн байцаагчийн дараах үйлдэл, үйл ажиллагааг хориглоно:

4.1.1. Давхар ажил үүрэг гүйцэтгэх;

4.1.2. Хүн саатуулах, тээврийн хэрэгслийг зогсоох, иргэний биед болон тээврийн хэрэгсэлд үзлэг хийх, бичиг баримтыг хурааж авах;

7.2. Хорооны гэмт хэргээс урьдчилан сэргийлэх ажлыг зохицуулах салбар зөвлөлийн санал дүгнэлтийг харгалзан дүүргийн ГХУСА33-өөс олон нийтийн байцаагчдад сар бүр цалин олгоно.


**Найм. Олон нийтийн байцаагчийг ажлаас чөлөөлөх,
хариуцлага хүлээлгэх**

8.1. Олон нийтийн байцаагч нь ажил үүргээ хангалтгүй гүйцэтгэсэн, зөрчил дутагдал гаргасан тохиолдолд түүнийг ажлаас чөлөөлнө.

8.2. Олон нийтийн байцаагч энэ журмын 8.1-д заасан үндэслэлээр ажлаас чөлөөлөгдсөн бол түүнд олгосон ажлын хувцасны үнийг нөхөн төлүүлнэ.

8.3. Олон нийтийн байцаагч нь өөрийн санаачлагаар ажлаас чөлөөлөгдөх тохиолдолд дүүргийн Засаг даргын Тамгын газартай байгуулсан хамтран ажиллах гэрээний дагуу ажил хүлээлгэх акт үйлдэж, дүрэмт хувцас болон холбогдох төлбөр тооцоог барагдуулна.

8.4. Олон нийтийн байцаагч нь Гэмт хэргээс урьдчилан сэргийлэх тухай Монгол Улсын хууль, Захиргааны хариуцлагын тухай хуулийн холбогдох заалт болон энэхүү журмыг зөрчиж үйл ажиллагаа явуулсан тохиолдолд хуулийн дагуу хариуцлага хүлээнэ.



Хороодод ажиллах олон нийтийн байцаагчийг сонгон шалгаруулах журам

Нэг. Нийтлэг үндэслэл

1.1. Дүүргийн хороодод ажиллах нийгмийн хэв журам хамгаалах олон нийтийн байцаагчаар /цаашид олон нийтийн байцаагч гэх/ нь Монгол Улсын иргэн, дээд боловсролтой, хуульч, эрх зүйч, багш, сурган хүмүүжүүлэгч, нийгмийн ажилтны мэргэжилтэй, сургалт сурталчилгааны ажил хийх, баримт бичиг боловсруулах, удирдамж зохион байгуулах чадвартай, 50 хүртэлх насны, Чингэлтэй дүүрэгт байнга оршин суудаг иргэнийг нээлттэй шалгаруулалтаар сонгон авч томилон ажиллуулахад энэ журмын зорилго оршино.

1.2. Дээрх шаардлагыг хангасан, ажлын байрны чиг үүргийг мэргэжлийн түвшинд хэрэгжүүлэх чадвартай иргэнийг сонгон шалгаруулна.

1.3. Олон нийтийн байцаагчийг сонгон шалгаруулахад хуулиа дээдэлж, шударга, ил тод байх зарчмыг удирдлага болгоно.

1.4. Сонгон шалгаруулалттай холбогдож гарах зардлыг дүүргийн Иргэдийн Төлөөлөгчдийн Хурлын Гэмт хэргээс урьдчилан сэргийлэх арга хэмжээний зардлаас гаргана.

Хоёр. Сонгон шалгаруулалтын зар мэдээ

2.1. Хорооны олон нийтийн байцаагчийн ажлын байрны сул орон тооны зар мэдээг сонгон шалгаруулалт явуулахаас 14-өөс доошгүй хоногийн өмнө хэвлэл мэдээллийн хэрэгслээр нийтэд хүргэнэ.

2.2. Сонгон шалгаруулалтын зар мэдээг дүүргийн Иргэдийн Төлөөлөгчдийн Хурал, Засаг даргын Тамгын газрын цахим хуудаст байрлуулна.

2.3. Зар мэдээнд ажлын байранд тавигдах шаардлага, бүрдүүлэх материал, материал хүлээн авах хаяг, хугацаа, сонгон шалгаруулалт явуулах байр, хугацаа зэргийг заана.

Гурав. Сонгон шалгаруулах комисс, түүний чиг үүрэг

3.1. Олон нийтийн байцаагчийг сонгон шалгаруулах комисс /цаашид комисс гэх/-ийг дүүргийн Иргэдийн Төлөөлөгчдийн Хурлын Тэргүүлэгчдийн шийдвэрээр дарга, нарийн бичгийн дарга, 3-аас доошгүй гишүүний бүрэлдэхүүнтэйгээр байгуулна. Комиссын бүрэлдэхүүнд дүүргийн Иргэдийн Төлөөлөгчдийн Хурал, Засаг даргын Тамгын газар, Цагдаагийн хэлтсийн болон мэргэжлийн байгууллагуудын холбогдох албан тушаалтнуудыг оруулна.

3.2. Олон нийтийн байцаагчийн ажлын байрны сул орон тоо гарсан тохиолдолд сонгон шалгаруулалтанд орсон иргэдээс нөөцөд бүртгэж авсан онооны дарааллын дагуу уг орон тоог нөхнө.

3.3. Сонгон шалгаруулах ажлын бэлтгэл, зохион байгуулалт, дүн гаргах зэрэг бүхий үйл ажиллагааг комиссын хуралдаанаар хэлэлцэж олонхийн саналаар шийдвэрлэнэ.

3.4. Комисс дараах үүргийг хэрэгжүүлнэ:

3.4.1. Сонгон шалгаруулалтын зарыг нийтэд хүргэх;

3.4.2. Олон нийтийн байцаагчаар ажиллах хүсэлттэй иргэдийн материал /өргөдөл, анкет буюу төрийн албан хаагчийн 1-р маягт, боловсролын дипломын нотариатаар баталгаажуулсан хуулбар, үнэмлэх, Монгол Улсын иргэний үнэмлэх, ажил эрхэлдэг бол ажил байдлын тодорхойлолт, оршин суугаа хорооны Засаг даргын тодорхойлолт, 4х6 хэмжээний зураг 2 хувь/-ийг хүлээн авч бүртгэх;

3.4.3. Бүртгүүлсэн иргэдийн ял шийтгэлтэй, эсэх талаарх тодорхойлолтыг цагдаагийн байгууллагаас, боловсролын дипломын үнэн зөв, эсэх лавлагааг мэргэжлийн хяналтын газраас нэгдсэн журмаар авах;

3.4.4. Сонгон шалгаруулалтад орох иргэдээс авах ерөнхий мэдлэгийн түвшин тогтоох шалгалтын тест, ярилцлагын сэдэв, чиглэлийг боловсруулах;

3.4.5. Сонгон шалгаруулалтыг зохион байгуулах;

3.4.6. Сонгон шалгаруулалтын дүнг гаргаж, тэнцсэн иргэдийн нэрсийн жагсаалтыг дүүргийн Иргэдийн Төлөөлөгчдийн Хурлын Тэргүүлэгчдэд танилцуулан, Засаг даргад хүргүүлэх;

3.4.7. Сонгон шалгаруулалтын тайланг бичиж, дүнг олон нийтэд мэдээлэх;

Дөрөв. Сонгон шалгаруулалтыг зохион байгуулах, дүнг гаргах

4.1. Сонгон шалгаруулалтын зар мэдээнд заасан өдөр, цаг, газарт ерөнхий мэдлэгийн түвшин тогтоох шалгалт авч, дүгнэнэ.

4.2. Тестийн шалгалт нь төрийн алба, хууль эрх зүй, нийгмийн шинжлэх ухааны агуулгатай, 50 асуултаас бүрдэнэ.

4.3. Тестийн шалгалтын босго оноог зарлагдсан ажлын байрны тоо, бүртгүүлсэн иргэдийн тоо зэргээс хамаарч комисс тогтоож, зарлана.

4.4. Ерөнхий мэдлэгийн түвшин тогтоох шалгалтад тэнцсэн иргэдийг ярилцлагад оролцуулна. Ярилцлагын зорилго нь шалгаруулалтад орж байгаа иргэний ажлын туршлага, олон нийтийн байцаагчийн ажлын онцлог, чиг үүргийн талаарх төсөөлөл, ажил үүрэг гүйцэтгэх чадвар, боломж зэргийг тодорхойлоход оршино.

4.5. Энэ журмын 1.1-д заасан болзол, шаардлагыг хангаагүй, мөн журмын 3.4.2-д заасан материалыг дутуу бүрдүүлсэн иргэнийг тестийн шалгалт, ярилцлагад оролцуулахгүй.

4.6. Комиссын хуралдааны шийдвэр, тэмдэглэлийг 2 хувь үйлдэж, дарга, нарийн бичгийн дарга гарын үсэг зурна.

4.7. Комиссын шийдвэрийг үндэслэн дүүргийн Засаг дарга олон нийтийн байцаагчийг томилж, гэрээ байгуулан ажиллана.

**Хороодод ажиллах олон нийтийн байцаагчийн хувцасны
загвар, түүний тодорхойлолт**

1. Хороодод ажиллах олон нийтийн байцаагчийн ажил үүргийн онцлогыг харгалзан ажлын тусгай хувцсаар хангана.
2. Ажлын хувцсыг зөвхөн ажлын байранд болон албан үүрэг гүйцэтгэх үед өмсөж хэрэглэнэ.
3. Хувцас нь өвөл, зуны гэсэн төрөлтэй байна.
4. Зуны хувцсанд малгай, хүрэм, брүксн өмд /юбка/, ботинк, өвлийн хувцсанд малгай, дотортой хүрэм, дулаан өмд, хагас түрийтэй өвлийн гутал байна.
5. Зуны малгай нь хар саарал өнгийн саравчтай малгай байна.
6. Өвлийн малгай нь хар саарал өнгийн, хиймэл үстэй, дотогшоо чихтэй байна.
7. Малгайд олон нийтийн байцаагчийн тэмдэг, эмблем хадна.
8. Зуны хүрэм нь босоо захтай, бартаагүй, задгай энгэртэй, ердийн товчтой, хар саарал өнгөтэй, энгэрийн болон ташааны хармаатай байна. Зүүн гарын ханцуйд бамбай хэлбэртэй, улаан хүрээтэй, цэнхэр өнгийн дэвсгэр дээр голлуулан "ОНБ" гэсэн товчилсон үгийг энгэрийн хармааны дээд талд "Олон нийтийн байцаагч" гэсэн үгийг компьютерээр хатгаж оёсон байна.
9. Өвлийн хүрэм нь үстэй захтай, дотортой, хар саарал өнгөтэй, ердийн товчтой, энгэрийн болон ташааны хармаатай байна. Зүүн гарын ханцуйд бамбай хэлбэртэй, улаан хүрээтэй, цэнхэр өнгийн дэвсгэр дээр голлуулан "ОНБ" гэсэн товчилсон үгийг, энгэрийн хармааны дээд талд "Олон нийтийн байцаагч" гэсэн үгийг компьютерээр хатгаж оёсон байна.
10. Өвөл, зуны хүрэмний арын хэсгийг голлуулан "Олон нийтийн байцаагч" гэсэн үгийг компьютерээр хатгаж оёсон байна.
11. Өвөл, зуны өмд /юбка/, хүрэм нь ихил өнгө, материалтай байна.
12. Ботинк, хагас түрийтэй өвлийн гутал нь хар өнгөтэй байна.